



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Joannis Pierii Valeriani Bellunensis Hieroglyphica, Sive De
Sacris Ægyptiorum Aliarumque Gentium Literis,
Commentariorum Libri LVIII**

Valeriano, Pierio

[Lipsiae] ; Francofurti Ad Moenum, 1678

Magna incepta irrita.

urn:nbn:de:hbz:466:1-14259

MAGNA INCOEPTA IRRITA. CAP. XLVII.

Parturienti montes, nascitur pidi-culus mus. De Arte poetice.

A R idiculum forte illud videatur, quod commenti sunt nonnulli, Elephantum cum Gammari cauda pingere, si magna incoepta frustra & inaniter cessisse notare vellent, non secus ac illud Horatianum est, ex montium scetura murem ridiculum enasci. Sedenim cum res ipsa det ridendi materiam, non inepte mihi videntur excogitasse hujusmodi speciem, quæ non tam significato, quam pictura ipsa risum posset excitare.

DE PINNA. CAP. XLVIII.

Q Uæ Pinnae commercia cum Cancellis habent, deposcere videntur, ut eas Cancro subjungamus. Nam ut Theophrastus ait, vita fortasse conchis servari non posset, nisi ope Cancri. Pinnae autem in concharum genere sunt.

ALIENÆ OPIS INDIGUS. CAP. XLIX.

V Irum qui se atque sua negligenter curet, neque sine alterius ope consiliove possit consulere rebus suis ostendere si vellent Ægyptii sacerdotēs, Pinnam & Cancellum parvum pingere conseruerunt: nam is in Pinna conditus in utriusque satagit usum: conchula enim præ fame patet facta, pisciculi veluti ad escam alliciuntur, quos ubi Cancellus inhærentes animadvertit, Pinnae statim labra morfu vellicat, illa eo signo admonita concham occludit, atque ita esculentis potitur: eo vero custode privata, brevi, ut Aristoteles asserit, tempore deficit. Hoc idem habemus apud Ciceronem, cuius verba repetere non fuerit importunum. *Pinna duabus grandibus patula conchis cum parua squilla societatem coit comparanda cibi: itaq, cum pisciculi parvi in concham innata verint, tum admonitu squille Pinna morfu comprimit conchas, sic dissimilibus bestiolis communiter cibus queritur.* Cancellum vero hujusmodi, tum à venatione, tum à custodia, Græci Pinnotherem & Pinnophylaca nuncupaverunt. Est hæc squilla parva admodum, quam nonnulli Parasitum piscem vocant: utpote qui sit dapis affectator: colore rubido est corpore perpusillo, cauda fere semper subter uterum, ubi coactus fuerit, incurvata.

Pinna & Cancellus simul pinni quid.

AB INEUNTE ÆTATE LIBIDINOSUS. CAP. L.

E UM vero qui ab ineunte ætate ceperit in petulantiam lascivire, & munera Veneris exercere, per Pinnam factus ostentantem suos intelligebant: conchula enim hujusmodi in concha genita, antequam excludantur, inter se quamprimum coire dicuntur, ut non immerito concha ipsa sit Veneri dedicata, atque eam ex concha genitam veteres fabulentur. Concha itidem Cyprum delectam canunt, quod nonnulli ad salacitatem referunt, quæ concitetur ex earum cibo: non secus enim ac ostrea, libidinosa esse perhibentur.

Cur Concha Veneri dicata.

DE OSTREIS. CAP. LI.

I Lla enim Hellepontico ludibrio, ne Deo dicam, ita dedicantur, uti Concha Veneri putarim ob earum copiam, quæ Lampfaceno littore, totoque Helleponto ingens est: unde Ithyphalico veteris Poætæ ipsi Priapo dicto, ita legitur:

Nam te præcipue in tuis urbibus colit ora Hellepontia, cæteris ostreosor oris,

D qui versus apud Terentianum reperitur.

HUMANUM GENUS. CAP. LII.

P ER ea vero dicta sculptave humanum genus significari, Philosophorum antiquissimi tradiderunt. Hinc divinus Plato humanum genus Ostreorum simile esse dixit: nulla enim potuit similitudine nostræ imbecillitatis naturam significantius explicare, cum Ostrea indichum esse dixit animi in corporis carcerem & tenebras coniecit: ita enim Deus corpori animam adglutinavit, ut necessarium sit hominem corporis affectibus tangi, vel invitum. Quid vero aliud illa vel divina, vel stellaris essentia scintilla hic patitur, nisi quod dum corpori adhærescit, & vinculis se coerceri sentit, & in quodam obscuritatis carcere detineri: unde fit, ut sæ plerumq; immemor originis, modo sensui se modo appetentiæ subjiciat, & alieni facta juris, cum materia, cui adglutinata est, rapiatur in præceps.

Ostreorum mystica explicatio. Pulcherrima parans.

Uu 2

Pisca-